



IKLAN

BIASISWA YANG DI-PERTUAN AGONG TAHUN 2010 JABATAN PERKHIDMATAN AWAM

1. Permohonan adalah dipelawa daripada semua warganegara Malaysia yang berkelayakan untuk memohon Biasiswa Yang di-Pertuan Agong Tahun 2010 bagi mengikuti pengajian di peringkat Sarjana dan Kedoktoran di dalam dan luar negara dalam bidang Sains dan Teknologi, Ekonomi dan Undang-undang.
2. **Keterangan** mengenai Program Biasiswa Yang di-Pertuan Agong, **syarat-syarat permohonan** dan **panduan permohonan** boleh diperolehi dengan melayari portal www.jpa.gov.my atau <http://esilav2.jpa.gov.my> mulai tarikh iklan ini disiarkan.
3. **Borang permohonan** boleh dimuat turun melalui portal www.jpa.gov.my atau <http://esilav2.jpa.gov.my> mulai **7 Julai 2010** hingga **30 Julai 2010**.
4. Tarikh tutup permohonan Biasiswa Yang di-Pertuan Agong Tahun 2010 adalah pada **30 Julai 2010**.
5. Pertanyaan mengenai Biasiswa Yang di-Pertuan Agong boleh dibuat dengan menghubungi talian 03-88853436 / 3892 pada setiap hari bekerja mulai jam 8.00 pagi hingga 5.00 petang atau e-mail di alamat esila@jpa.gov.my.

Iklan ini dikeluarkan oleh Jabatan Perkhidmatan Awam Malaysia

TAMAT



KETERANGAN

BIASISWA YANG DI-PERTUAN AGONG TAHUN 2010 JABATAN PERKHIDMATAN AWAM

Biasiswa Yang di-Pertuan Agong ini adalah bagi mengiktiraf kebolehan luar biasa seseorang pelajar, di samping memberi peluang kepada pelajar untuk melanjutkan pengajian di peringkat pasca ijazah dalam bidang Sains dan Teknologi, Ekonomi dan Undang-Undang. Kelebihan biasiswa ini adalah dari segi kadar biasiswa yang ditawarkan, syarat-syarat kelayakan dan penempatan di universiti-universiti yang terkemuka.

Bilangan biasiswa yang disediakan adalah sehingga dua belas (12) biasiswa iaitu enam (6) biasiswa untuk peringkat Sarjana dan enam (6) biasiswa untuk peringkat Kedoktoran setiap tahun.

Kriteria utama yang digunakan bagi pemilihan calon-calon untuk mendapatkan Biasiswa Yang di-Pertuan Agong ini adalah berdasarkan kepada kecemerlangan akademik yang dimiliki oleh calon-calon. Di samping itu, kriteria berikut juga diambil kira di dalam pemilihan:

- i. Penglibatan dalam kegiatan ko-kurikulum atau aktiviti kemasyarakatan atau hasil kerja kreatif dan inovatif; dan
- ii. Prestasi semasa temuduga

Syarat kelayakan yang ditetapkan adalah seperti berikut:

- i. Warganegara Malaysia;
- ii. Berumur tidak melebihi 30 tahun pada tahun memulakan pengajian;
- iii. Memiliki Ijazah Sarjana Muda / Sarjana yang diiktiraf oleh Kerajaan dengan pencapaian CGPA minimum 3.75 atau kelas pertama atau yang setaraf dengannya;
- iv. Aktif dalam kegiatan ko-kurikulum atau aktiviti kemasyarakatan atau menghasilkan kerja-kerja kreatif dan inovatif;
- v. Mahir dalam lebih daripada satu bahasa antarabangsa; dan
- vi. Mendapat tempat pengajian di institusi pengajian tinggi awam tempatan atau di universiti terkemuka dunia (Ivy League) dan setara.

Penerima Biasiswa Yang di-Pertuan Agong yang telah menamatkan pengajian diwajibkan pulang ke Malaysia untuk berkhidmat di negara ini bagi tempoh tidak kurang dari lima (5) tahun. Bagi memastikan syarat tersebut dipatuhi, calon yang terpilih dikehendaki menandatangani perjanjian dengan Kerajaan. Jika calon yang terpilih adalah terdiri daripada pelajar-pelajar tajaan JPA di peringkat Ijazah Sarjana Muda, mereka masih terikat untuk berkhidmat dengan Kerajaan mengikut tempoh yang telah ditetapkan di bawah penajaan peringkat Sarjana Muda. Kadar gantirugi seperti yang berkuatkuasa pada masa sekarang akan dikenakan sekiranya pelajar melanggar syarat perjanjian.

Kadar biasiswa di luar negara bagi program ini adalah berbeza mengikut negara dan contoh kadar biasiswa adalah seperti berikut :

Negara	Kadar Biasiswa Sebulan
Amerika Syarikat	USD 1,923.00
United Kingdom	£ 1,639.50
Australia	AUD 2,070.00
New Zealand	NZD 2,174.00

Kadar biasiswa dalam negara pula ialah sebanyak RM1,760.00 sebulan untuk peringkat Sarjana dan RM 2,500 sebulan untuk peringkat Kedoktoran.

TAMAT



SYARAT-SYARAT PERMOHONAN

BIASISWA YANG DI-PERTUAN AGONG TAHUN 2010 JABATAN PERKHIDMATAN AWAM

Permohonan adalah dipelawa kepada semua warganegara Malaysia yang berkelayakan untuk mendapatkan Biasiswa Yang Di-Pertuan Agong Tahun 2010 bagi mengikuti pengajian di peringkat Sarjana dan Kedoktoran di dalam dan luar negara.

Pemohon-pemohon mestilah memenuhi syarat-syarat permohonan seperti berikut:

Syarat-Syarat Umum Permohonan Program Biasiswa Yang di-Pertuan Agong Tahun 2010

- i. Warganegara Malaysia.
- ii. Umur tidak melebihi 30 tahun pada tahun memulakan pengajian di universiti.

Syarat-Syarat Khusus Pengajian di Peringkat Sarjana / Kedoktoran

- i. Memiliki Ijazah Sarjana Muda / Sarjana yang diiktiraf oleh Kerajaan dengan pencapaian CGPA minimum 3.75 atau kelas pertama atau yang setaraf dengannya.
- ii. Aktif dalam kegiatan ko-kurikulum atau aktiviti kemasyarakatan atau menghasilkan kerja-kerja kreatif dan inovatif.
- iii. Keutamaan akan diberikan kepada pemohon yang mahir dalam lebih daripada satu bahasa antarabangsa.

- iv. Pemohon perlu mendapatkan tempat pengajian dalam bidang Sains dan Teknologi, Ekonomi dan Undang-Undang di institusi pengajian tinggi awam tempatan atau di universiti terkemuka dunia (*Ivy League*) dan setara.

TAMAT



PANDUAN PERMOHONAN

BIASISWA YANG DI-PERTUAN AGONG TAHUN 2010 JABATAN PERKHIDMATAN AWAM

1. Borang Permohonan Biasiswa Yang di-Pertuan Agong Tahun 2010 hendaklah dimuat turun, dicetak dan dihantar dengan tangan atau melalui pos ke alamat seperti yang ditetapkan.
2. Pemohon boleh mengemukakan permohonan mulai **1 Julai 2010** sehingga tarikh tutup permohonan iaitu pada **30 Julai 2010**.
3. Pemohon hanya dibenarkan menghantar **satu (1)** permohonan sahaja.
4. Pemohon dikehendaki untuk menghantar salinan dokumen/sijil-sijil yang telah diakui sah semasa mengemukakan permohonan. Dokumen/sijil-sijil asal perlu dibawa semasa menghadiri temuduga.
5. Semua permohonan akan diproses selepas tarikh tutup permohonan. **Hanya pemohon yang telah disenarai pendek sahaja yang akan dipanggil untuk menghadiri sesi temuduga.**
6. Bagi pemohon yang terdiri daripada kakitangan perkhidmatan awam, pemohon hendaklah mengisi borang tambahan iaitu borang [JPA\(L\)LDP 1B/96 \(Pin.1/2003\)](#) dengan pengesahan markah LNPT bagi tahun 2007, 2008 dan 2009 oleh Ketua Jabatan.

7. Semua pemohon perlu memastikan ibu bapa pemohon tidak tersenarai dalam senarai hitam peminjam skim pinjaman pelajaran JPA dan tidak melanggar perjanjian dengan pihak Kerajaan. Sekiranya ini berlaku, pemohon tidak akan ditawarkan biasiswa.
8. Pemohon **belum memulakan pengajian** semasa iklan ini dikeluarkan.
9. Tiada sebarang rayuan akan diproses oleh Jabatan ini sekiranya pemohon gagal untuk disenaraipendekkan.

PERINGATAN PENTING

1. Sebarang pertanyaan mengenai **permohonan Program Biasiswa Yang di-Pertuan Agong** boleh dibuat dengan menghubungi Bahagian Pembangunan Modal Insan, JPA di talian 03-88853436 / 3892 pada setiap hari bekerja mulai jam 8.00 pagi hingga 5.00 petang atau e-mail di alamat esila@jpa.gov.my.
2. Tarikh tutup permohonan ialah pada **30 Julai 2010**.
3. Pemohon boleh menyemak keputusan panggilan temuduga pada **17 Ogos 2010** melalui laman web JPA. Bagi pemohon yang berjaya dipanggil temuduga, surat panggilan temuduga akan dikeluarkan secara dalam talian (*on-line*) melalui laman web JPA dan pemohon hendaklah mencetak surat panggilan temuduga tersebut untuk dibawa semasa menghadiri temuduga.

TAMAT